



kat.komo.

14349

III *Ms. St. D.*

P

*Rudawski Laurentii Joan. Panegyricus. Victor
Joanni Carimiro — oblativ.*

PANEG. et VITAE

Polon. Fol.

N. 396

Biblioteka Jagiellońska



stdr0004887

PANEGYRICUS
VICTORI
JOANNI
CASIMIRO,
POLONIARUM

ET
SVECIAE REGI
GLORIOSISSIMO. 16349M

De Victis, Subactis, aut Profligatis
Hostibus,

Duodecimo Imperij sui Anno,
Feliciter Triumphanti.

Novo Septentrionis Alexandro,
vero Trojano. 818.13TH.1022

OBLATUS

Ab ejusdem Majestatis Subdito

LAURENTIO JOANNE RUDAWSKY,
Varmiensi & Olomucensi Residenti Canonico,
Decano Magno Mezeritzenſi, in Marchionatu
MORAVIAE. 818.13TH.1022

OLOMUCII,

In Officina Typographica Viti Henrici Ettelij, 1660.

Serenissime ac Potentissime REX,
Domine Domine Clementissime.

Equestres ludos solebat olim
Anniversaria solēnitate cu-
riosa spectare Roma, Sere-
nissime Rex Domine Dñe Clemen-
tissime. Spectandos & ego hodie or-
bi exhibeo Christiano nō Equestres,
sed Regios Ludos Tuos, quos duode-
cimo Imperij Tui Anno posteris ad
miraculū pro Deo & Populo Anni-
versariā orbi repræsentas Memoria:
ut Tibi bellare & vincere Ludus &
Lusus sit. Vnde ludere perge Rex
Maxime, Hostes ubiq; vince Virtute,
Fortunā, Gloriā. Subditos ubique
bea, pace, otio, ubertate, meamq; ad
præsens calami excusa libertatem.

Sacræ Regiæ Majestatis Tuæ

Fidelis Sphditus ac humillimus Servus,
Laurentius Rudavvski, Varmieñ:
& Olomuc: Canonicus.

PANEGYRICUS.



ATRIGISTI tandem Gloriæ
verticem Triumphator Gloriosis-
sime, adepta est per Te votorum
summam Fortunatissima Polonia,
tenet supremum culmen sanctissi-
ma Religio. Bella bella horrida profligasti bella,
triumphos quasi triumphis connectens, palmās-
que per subactas aut triumphatas à Te circumfe-
rens terras, miro victoriarum ordine, ut Te tri-
umphantem calamo sequi, sit non assequi, dum
modo in Oriente, quā sol oritur, mox in Septen-
trione, ubi emoritur, iterumq; victor in Oriente
pugnas in Occidente debellas, in Meridie vincis,
ac in auspiciū ingentis Tux Victoriæ Pacem o-
mnibus redonas, quos debellare poteras. Mira-
batur Orbis omnē in Poloniam vix Te in Regem
Electo, effusam Asiam, cum ecce Asiæ jungitur
Græcia, Græciæ Suecia, Sueciæ Hungaria, tracto
in societatem belli toto Septentrione. Vetera le-
gentibus redibant sæcula, ut in unius Poloniæ De-
cennalis belli motibus, totius antea acti Orbis le-
geretur Historia. Xerxis, Cambysis, Nabu-
chodonosoris tempora, si cum Tuis componan-
tur Gestis, non nisi exitu differunt. Alexander
cum Cæsare Mundi illa Fulmina infra Te sunt,

in bellis Victor quæ nunquam quæſivisti. Pacis tandem compos quam unā optasti. Verè dictus CASIMIRUS hostibus Tuis factus casus mirus. Pudet jam Asiam, sociā aliquādo servilis extitisse belli. Erubescit proprio ad satietatem tincta sanguine Moschovia. Pœnitet pro umbratili Titulo pugnasse Sueciam. Iacet ac tacet Hungaria affectati per vim Poloniæ Regni illustre exēplum. Plorat, plorat Moldavia Transylvano quondam contra Poloniam foederata. Ingemiscit Valachia eodem prostrata fulmine. Supplicat Russia Dei digitum in Te experta. Quid enim una resisteret post tot de alijs hostibus gloriosa parta trophæa? Omitto tentatum per Polonos Tuos nempe submissos exercitus in Dania mare, pugnasque mobiles & inassuetas commissas ac in Elemento suo profligatos Suecos. Nec errorem in principio aliquem commisisse Polonos obijciat quisquam: Quis enim mortalium non horreret tot simul incurſantes hostes. Aderant à fronte Cosaci, à tergo Sueci, à latere Moschi, populi bellicosissimi Germani, Angli, Galli, Finni, Hungari, Tartari, Moldavi, Valachi. Ut totum Septentrionem crederes in Poloniam effusum, ubi nemo nisi tortus vel tortor fuit. Triumphavit tamen ijs cladibus Europæ Antemurale Polonia, & scoria purgata illustrior, damnis suis ferax, miserijs felix, ruinis erecta, jacturis dives, rediviva in morte,

morte, mortalium victrix & dæmonum, sementē
suo sanguine fecit irruentes profligatura deinde
audentius hostes & sub jugum missura. Placet
tanti emisse periculū. Tristis hostiū ac feralis u-
biq; exitus, Polonorū pulcherrima probat Acta.
Apertis portis cæca ac insolens hostium ingressa
erat Fortuna, sed vix per patentia deinde fugiens
salvata est Moenia. Sexaginta millia hostium cæ-
sa, capti duo Generales, quos & Generalissimos
quondam adorabat Europa: mirabatur Orbis,
trecenti & amplius Colonelli admonent, quanti
fuerit haud adeo vallatæ ac inermi, ut creditum
illusisse Poloniae? de qua jam passim triumphum
canebat Hæresis ac subjugatam memorabat po-
steris. Vani sane triumphus ac tristis victoria;
nam victi Victoribus ad extremum dixere leges.
Hic ego horribilē in tot adversis Polonorum ad-
miror Fiduciam. Hic singularem animum ac spi-
ritum CASIMIRI, unā & Augustæ LUDOVICÆ
MARIAE satis deprædicare non possum, tam arctis
afflictisq; rebus, quum de Polonia dubitaret Or-
bis, triumpharet Hæresis, ausi estis optimi Prin-
cipes in diversa respicere, quumq; hostes in jugu-
lo, per utramq; Poloniam, Lituaniā, Russiam,
Prussiam, Masoviam, Samogitiā, volitarent, me-
diamque de Polonia Sveciam, de Lituania Mo-
schoviam, de Russia Hungariam facerent, eodem
tempore, & hos modicis sustinebatis viribus, &

in Pomeraniam, Marchiam, Livoniam ac Transylvaniam diversa per terrarū Orbem arma mitebatis. Fessus est Daciæ Regulus maximū Polonæ victoriæ decus, supplex & tunc usque non catenis opertus. Vitam se Victoribus debuisset Polonis, addiderat paratum esse in castra venire Regia, tum & phaleras, & sua arma ante Poloni Regis, Reginaq; Magnanimæ proijcere genua. Ita Virum fortem quadraginta suorum millibus tumidum ac superbum, fortissimi vicere Poloni, exigua manu, quæ vix septem millium erat. Et qui paulò ante periturā à se cecinerat Poloniam, suum suorumq; tunc victus, deplorabat interitū, stupente Europā, quæ Transylvanum paulò ante quadraginta millibus superbum, vix reducem trecentis deinde comitatum audivit Hungaris. Has vices habet mortalium conditio, ut secunda ex adversis, & adversa ex secundis producat. Mars etenim communis, sæpè victum erigit, sæpius affligit Victorem. Fortunæ tunc rotam Polonum Imperium credidisset quispiam, & fuit. Cæsā enim subsidiali Alpestri manu, illicò expugnasti CASIMIRE Cracoviam, recuperasti Varsaviam, occupasti Brestiam, pulchrum coëgisti Thorunium, servasti Leopolim, liberaisti timore Russiam, fregisti Svecorum audaciam, pressisti tumorem, retulisti potentiam. Quis Heroum unā ætate, quod CASIMIRUS unā ætate? Ulterius igitur

igitur immissâ Aquilâ, fugit Aquilo, capti per cornu Septentriones. Restituta Borussia, intactum relictû Gedanum, erepta ex hostium faucibus fortissima Elbinga cum Mariæburgo, Polonia denique sibi ipsi restituta, qualis ante fuerat. Eo modo bellum Sveco-Polonum gloriosâ confecisti pace. Felicitati enim Tuæ Pax ipsa militavit. Pro DEO & Populo, pro conservanda Poloniæ libertate pugnavisti. Ita Regem Jagellonici Austriaciq; nominis decebat & Sanguinis, Poloniæ libertatem Manutenuisti, ad agendum & patiendum fortia, exemplo alijs fuisti. Videant hostes, videant amici CASIMIRE, quorum dici Rex debeas, cum agere & pati fortia Tibi soli proprium sit..

Domitâ in hunc modum Sveciâ, recuperanda Tibi CASIMIRE restabat Lituania cum Russia, quæ Tuam fulminantē simul ac triumphantem exhorruit dexteram. Orbem Lithuanum primûm calcaverat Svecus, calcatum mox inverterat Moschus, qui calcaverat cecidit, qui inverterat, eversus est. Gemina Moschorum clades ad Konotop & Lachowice accepta satis admonuerat hostem, violatæ Pacis, Casimirianæque Fortunæ ac felicitatis, restitit ille tamen trophæû immortalis gloriæ Tuæ posteris futurus, ut potè qui Lauros, nec non Palmas in victrices manus Tuas insinuare debuerat. Nunquam enim Magnæ Sar-

gnæ Sarmatæ Reges, aliter progrediuntur, quàm
Orbis Triumphatores, nunquam è bello domum
regrediuntur, nisi in Marmore vel Tabula rectè
gestorum comitatu stipati. Hinc quid Tibi ex
Cruento Martis Sacrificio, tot bellis perfuncto,
tot hostium spolijs opimo, quid inquam reduci
Tantæ Majestati dignum proponat Ecclesia, pro
qua pugnasti, Patria quam defendisti, Orbis de-
nique Catholicus quem Tuis Victorijs & Tro-
phæis illustrasti, non invenio. Aureum quon-
dam simulacrum ob Metelli victorias & adven-
tum, Marmoreum votum ob Fabritij Æmilij in-
Urbem introitum, Fortunæ Reduci profanorum
rituum observatrix consecravit Antiquitas: Au-
ream & hodie duorum Principum, CASIMIRI
& LUDOVICÆ Mariæ æternum duraturam
Ecclesia deprædicat memoriam, pollicetur grati-
tudinē, Marmoreā offert & vovet gloriā. Inscri-
bet haud dubio suorum Annalium fastis Gloriosa
Roma. Hoc Gemino regnante sydere, CASI-
MIRO & LUDOVICA MARIA superatos Se-
ptentionis scopulos, disiectas sonoras tempesta-
tes & procellas, perijsse Balenarum haud expecta-
tos incursus, risisse Cætuum & Grandium assaltus,
redijsse deniq; Sarmatico Orbi Fortunā Reducem
Tito Vespasiano Solymā expugnatā reduci Im-
mortalē Popul⁹ Roman⁹ extruxerat mirā cælatur-
rā & arte Triumphalem Arcum. Pio & Trajano
Opti-

Optimis PRINCIPIBUS, æternum duraturos erexit
Colossos. Suo Vespasiano, suo Pio, suo Trajano,
suo inquam CASIMIRO & LUDOVICÆ MARIÆ
eriget non dubito rediviva Sarmatia, duos æter-
num duraturos Colossos, subscribet & Imagini:
JOANNI CASIMIRO, novo Septentrionis
Alexandro, vero *Trojano*, *Svetico*, *Moschovitico*, *Tran-*
sylvano, *Roxolano*, *Pio*, *Felici*, *Victori*, *Triumphatori*;
Augusto Patriæ Patri, *Reipublicæ Polonæ Conditori*, *Au-*
rea Libertatis Vindici, *Redivivo Lecho*, *Glorioso Con-*
stantino, non uno sed multis domitis *Maxentijs* celebri,
Senatus Proceresq; Poloni, suo Regi, suo Parenti.

Parte ab altera alter statuetur *Ludovicæ Mariæ*
Colossus, addetur Magnifica eidem subscriptio:
Parenti Patriæ LUDOVICÆ MARIÆ, *Po-*
loniæ Resuscitatrici, ac *Tutellari Deæ*, *Ætatis nostræ*
Phileæ, *Zenobiæ*, *Pulcheriæ*, & *Isabellæ*, *superiorum sæcu-*
lorum miraculo, *posteritatis exemplo*, *Periclitantis Fidei*
salutari Cynosura, *pereuntis Patriæ fortunatissimo ac fau-*
stissimo Syderi, *Augusto Palæologorum surculo*, *perpetua*
sanciti fœderis memoriæ, *Galliarum delicio*, *Orbis Oraculo*,
Orientis splendori, *perditæ Christianitatis Reparatrici*,
Furentis Martis Interventrici, *Senatus Proceresq; Polo-*
ni, *sua Regina*, *sua Parenti Patriæ*. In has & similes
lætitiæ Panegyres prorumpit hodie *Polonia*, cui u-
niversus subscribit *Catholicus Orbis*.


Quanquam hæc omnia gratulantium Vota, in-
fra Vestram Magnitudinem jacent Optimi PRIN-

B

CIPES.

CIPES. Vestræ illæ sunt, sed felices & decoræ catenulæ, ne graviore utar verbo, aureæ compedes, quibus non aures supra fabularum miracula, sed subditorum Vestrorum animos in Regiam Vestram attraxistis & arctiori nexu devinxistis. Pulchra captivitas, & quam aliquis magno mercetur, vinculum esse beneficijs suorum Principum & cedere in prædam tantis Venatoribus, quos ultrò ambire in felicitatis parte numeramus. Ibunt in Orbem posthumæ ætatis immortales voces, à Septentrionali Sarmatia peregrinæ, prosperam faciētes Vobis memoriam, dum deterrimā Dominantium comparatione gloriam Vobis apud Posteris quærent, atque exigere videbuntur, non degeneres Successorum animos ad normam virtutis Vestræ coæternum victuros. Ibunt clamoræ & Vocales Musæ, non inter circumforanea compita, sed intra Vestra Ò PRINCIPES externi limina partium aliquando securæ, ac in clandestina conclavia immigraturæ CASIMIRI ac LUDOVICÆ Mariæ res gestas apud invidiosa pectora exaggerantes, tantò audentiùs, quantò impensius literas illi fovēt qui digna literis gerunt. Tinnient credo multorum auriculæ ad inaudita atque ab ultima barbaria accersita, Sauromatarū & glacialis Oceani nomina. Certabunt infesta Orbis Regna, nec satis constanti rumore obstrepere sibi audebunt, quæ plus immortalī nomini Vestro sint laboraturæ. Interim referentur

rentur inter fumosas Regum ceras vivæ fortitudi-
nis & magnanimitatis Vestræ Imagines, nullo adu-
lationis panno convelatæ. Narrabunt & effingēt
Historici rerum Vestrarum gesta: Delineabunt
Pictores. Hinc immanē Leonem, Leonino animo
CASIMIRI & LUDOVICÆ territum, ac efferatā
immanitate, ceu veteribus exuvijs depositis ad Re-
gios Vestros pedes procumbentem. Illinc pullatas
& inauspicatas Moschoviæ Aquilas, veluti mino-
rum gentium volucres, in prædam cecidisse trium-
phatrici Polonæ Aquilæ. Celabit solers Statuarij
manus armatum Equitem propriam scilicet & ge-
nuinam bellicæ virtutis sobolem inter continuas
CASIMIRI Victorias propagatam. Apponent
& Immortalibus Nominibus coronides tergemini-
nas, Jagellonicas, Austriacas, Palæologas coronas.
Ita, ita CASIMIRE cum LUDOVICA MARIA
sera post fata triumphabis. Sed ante tamen æta-
tem nostram stipendiariā Tuæ immortalitatis Re-
giā & inoffensā prosperitate corona, ac cinge tem-
pora Patriæ Tuæ indefessæ felicitatis corollā, quam
Tibi & Tuæ Serenissimæ Regina renatæ Polo-
næ felicitati, Vobis, inquam Optimis Principibus,
longa fatorum series, & diuturna Immorta-
litas nectit. Quorum me Magno No-
mini æternū sacro & dico.



tenent inter summas Regum curas vive foris
 nis & magnanimitas Vestrae Imagines, nullo ad-
 rationis panno convolvat. Natusque & effigies
 Historici rectum Vestrum gestas: Delincentibus
 Pictoris. Hinc immanis Leonis animo
 CASIMIRI & LUDOVICI certum, ac efficitur
 immanitate, cum veteribus exvis deponitis ad Re-
 gios Vestras pedes procumbentem. Hinc pollas
 & inspicit Melchioris Aquilas, veluti mino-
 rum gannum volucres in praedam cecidisse etiam
 phantasi Polone Aquile. Celsis solis flammis
 manus ardentem ignem proprium scilicet & ge-
 nium bellicae virtutis holorem inter continas
 CASIMIRI Victoris propagam. Apponent
 & immortalibus Nominebus coronides regem
 nas-jagellonicas, Austrias, Palologas coronas.
 las, CASIMIRI cum LUDOVICA MARIA
 letis post hanc triumphis. Sed ante tamen tra-
 tem nostrum indidit. Tunc immortalis Re-
 gis & indidit coronas, ac cingit tem-
 pora Parit. Tunc indidit scilicet coronas, quam
 Tibi & Tunc Serenissimae Reginae tenet. Polo-
 ne scilicet, Vobis, indidit Optima Principibus
 longi factorum series, & diuturna immortalis-
 las necit. Quorum me Magno No-
 mini eternum sacro & dico.

Oportet
 etiam

